

詞宗評選

醒園集

齊高詩刊

文明書紙像器館發行

片 臺

文具儀器	風琴樂器
獎狀証書	學校表簿
牙章印泥	中堂條幅
石印鉛印	照相銅版

青高詩刊全一冊價大洋五角

著作 青年會中學部

校正者 王稼書

發行者 文明書紙館

印刷者 文明書紙館

福州市鼓樓前

九年五月十五號發行

序言

(1)

夫以沈約四聲權輿七始。閩仙一句烹鍊二年。至若風雨重陽。弓刀春雪。雖殘餘之碎錦。亦無縫之天衣。類皆得自無心。傳之可久也已。吾閩詩人。每喜擘牋之戲。爭誇押字之工。求神技而嘔心。譬分曹而射覆。牙骰子建。盡化珠圓。竿木隱師。不嫌路滑。當夫一燈飄雨。萬葉呼風。偶化蚌胎。皆成狐腋。遠春流水。陳滄趣獨具風規。看鳥認人。王碧棲亦成格調。雖云小道。大有可觀矣。庚午季春。瀛應青年會中學校講席之聘。適校中有廿五年紀念徵詩之舉。收卷至萬。主選政者十有七人。可謂盛矣。儘多雞蹠駝峯。莫說殘山剩水。五雲生韋陟之筆。七層列白傅之瓶。紅燭燒殘。豈遂迷於五色。唾壺擊碎。可無負其十年。願托神交。比微之之編長慶。不忘共賞。冀秉文之讚遺山。是爲序。

(2)

中華民國十九年五月林步瀛序

捐取第十門遺珠陳韻珊先生

元

積霖高谷將成汜

陳篤初

着翳青天未損明

遞傳高足千秋統

梁道鈞

僅勝青盲一隙明

牡丹高髻傷風等

林仲笏

苜宿青氈見道多

洪流高堰難爲力

梁道鈞

繁植青郊始見功

土肥青草徒滋穢

沈觀憲

日薄高花已改妍

闌宵高月天無滓

林竹泉

鹵地青霜水有稜

皇春青先宮門柳

陳調陽

僧臘高逾寺廡松

看只青衫書種子

王雲階

取爲高枕土饅頭

以下副錄

數峯青處江流曲

江淑恒

孤月高時塔影圓

燈從高輦涼邊出

沈拱憲

門在青苔淺處開

烟迷青輦船何處

月墜高梧笛一聲

正錄

臚

花

眼

(1)

檣竿高趁橋頭漲
塔火青連木末星
刊碑高塚申樵禁
補壁青樓見御題

以下正監

如編青史新家乘
爲壽高堂小道場
山空高樹離羣立
門冷青苔聚族居
糞壤青蠅如有約
樊籠高鳥已成仇
遶洞青苔吹石氣
跨城高樹飲湖光

綺羅高髻風胥下
蔬筍青燈味畧同
慰我高堂恆示健
勸人青史但從長

好山青處翹雙塔
明月高時起一簫
續命青苔初雨後
戒心高樹未風前
柳影青帘行店外
藤陰高架直廬前
鋪徑青苔落蒙地
垂崖高瀑引天紳

栢盟高堂春自盎
文書青瑣畫多閒

雨荒青蘚猶能待
日麗高枝未敢私
且饒青草終當腐
莫妬高枝已自危
失雨青苔旬日盡
逆風高鳥半山歸
鮐肩高過當關柳
蟹甲青如出水蒲

鬼杉高控鬚髻石
人柳青搖滑笏波

以下副監

月成高樹難藏影
雲出青山忽改容
戒壇高栢前朝記
道院青芝退士圖
四皆青漢明空水
上有高峯響墜樵
燈火青搖銀海眩
酒波高湧玉山頽
幾家高樹如連幔
十日青山不離船

湖壩青草紆成路
門外高峯亘作屏

石壇高曠敷松蔭
溪火青熒滅柳光
苔花青糝通門箔
冰筋高簷換瓦衣
魚苗青破溪頭凍
馬骨高堆塞下塵
宮門青柳銅虬暖
坊井高梧玉虎閒
城裡高塵皆馬糞
殿前青靄但龍涎

朝回青瑣銜薇月
戲罷高絙漾柳風
廟碣青苔緣蟲屨
池軒高柳蔽翠窓
破屋青霜刀尺見
內城高月管絃聞
橫玉高樓吹月夜
團瓢青嶂結雲根
酒券青衫交質久
漁竿高蓋異趨多

西巡青蓋傳供奉
南紀高牙待撫循
從無青史因人廢
孰若高堂爲我謀

以下正斗

溪莢青搖鷗艇雨
巖杉高捍鶴巢雲
雨晴青草浮虫氣
秋盡高城過雁聲
直北高秋殘客騎
終南青靄隱君廬
蛇窠高蔓依微護
魚陣青蒲曲折通

事傳青史還山止
色動高堂作郡初
責賢青史資觀過
諱老高堂使盡忠

花氣高城吹作雨
草光青澗織如烟
權邸青衣多乞郡
禪門高足各開山
月朗高岩如受瀑
日晴青樹漫流煙
柳花青柳飛篷嫩
苔氣高崖壓轡寒

存疑青史還公道
護短高堂亦至情

晚晴青草浮蟲氣
春暖高枝墜鳥聲
月落高花移屋角
烟開青嶂壓船頭
春雨青畦抽菜甲
晚風高嶺落松毛
世險青鞋差踏實
官慈高蓋不張威

以下副斗

粒火青熒延夜作
一軒高爽起秋瘧
桃漲高時舷過岸
藥煙青裡箔垂簷
月上青莎螢火黯
風生高榭鹿茸肥
泉飛青嶂天俱破
潮打高城月乍生
雲間高鶴歸來未
山下青驄過者誰
松光青澗初過雨
石氣高岑欲化雲

潭底青苔能養月
巷南高柳不遮春
松毛高拂梯田雨
荷背青翻鏡沼風
天紳青壁晴猶掛
冰柱高垠夏未消
巖頭高掛千尋瀑
樓額青橫十笏山
坐看青陽知化理
行窮高派得真源
寺後高花森作塔
湖邊青草展如茵

雲霄高鳥無輕下
糞壤青蠅只亂飛
水漲青塘浮鴨褥
雨淋高屋損龍衣
崖松高處猿聯臂
庭竹青時鶴刷翎
柳色青過山半幔
雁聲高遶月中簫
排闥青巒供下酒
稽天高浪示收帆
園籐青常侵步障
崖松高欲接浮圖

心肝青史寧能見
 顏色高堂未一違
 歸日青山如舊雨
 却餘高樹等遺民
 慈母青燈才極樛
 達官高蓋亦袈裟
 黯淡青袍歸海嶽
 蕭閒高屐破雲煙
 夕靄青迷山一角
 曉嗽高湧海東頭
 遙岑青入詩人眼
 新篠高齊稚子肩
 觚稜高插秦中樹
 衣帶青拖楚尾江

身貴高堂猶及見
 行庸青史故多遺
 敢靳青山傳及子
 欲公高樹蔭于人
 早知高躅成孤往
 還讓青盲澈衆觀
 明霞青嶂難成晚
 殘雪高林不似春
 老松高湊岡千尺
 亂葦青堆水一灣
 陌頭青柳春如舊
 樓外高花月最先
 一月高懸雙塔外
 四山青擁大江前

百年高樹如前輩
 一日青山亦幸民
 案頭青史千秋獄
 門外高軒十丈塵
 力追高躅休旁鶩
 佯作青盲但內觀
 宮角高花侵帽纈
 池廊青草沒鞦韆
 牀下青苔留雨氣
 樓前高樹掩山光
 花南高月銀屏影
 鳥外青烟畫槳痕
 雙板青蘿如雨滴
 四檐高柳共烟浮

園幽青岫當花缺
郡近高蕤接樹梢
長空高雁俱霞影
平旦青蠅似雨聲
松關高接前山月
竹屋青含極浦煙
春明高蓋俄成夢
林下青衫不掩名
廊淺高花先受日
江長青柳不容烟
雨勢高傾千澗水
煙痕青入數州山
捲幔高花隨雨落
開門青嶂渡江來

雨過青嶂苔如活
日落高原樹尙明
受風高柳蟬先病
籠月青莎雁不眠
酒幔青懸孤店月
塔鈴高吼四山風
巖巔青蘚無多雨
井畔高梧幾許秋
瘦石高花俱削舊
疎煙青篠各蔥籠
山光青翠春三月
河影高寒夜四更
遙天高月看如餅
滿地青苔愛勝錢

露檻青黏叢篠濕
夜江高插一峯寒
流俱高月泉聲靜
墜作青烟葉影寒
一塔高撐斜日外
兩峯青護斷雲前
出檻高花團曉蝶
緣灘青篠響春禽
纖雲高墜明軒外
雜樹青披很石前
墨水青成千樹靄
茶煙高作半山雲
河柳青於殘客鬢
宮花高及美人肩

心上青山他日位
眼中高樹十年功
松月高盤巖曲磴
柳烟青鎖水西扉
樓簾高接秋河影
塔火青搖夕嶂光
草光青漲門前雨
嵐氣高烘嶽頂雲
歛影青嵐初入暝
弄寒高漲不成晴
微霜高樹先聞葉
細雨青蕪未見花

日麗高花烘蝶粉
露新青蘚活蝸涎
巷苔青後春多雨
庭篠高時晚更涼
過溪青犢常浮鼻
抱樹高蟬自噤聲
溪澗青磐如臥犢
霜深高樹不藏鴉
江干青石疑浮犢
秋晚高枝見墜蟬
笛哀高月如吹墜
帆疾青山盡逐過

渡水青峯煙破處
貼天高月籟沉中
著樹青煙繇似雨
流天高月淨無雲
津樓高柳堆殘雪
石磴青蘿約淡烟
小頃高江流月至
遲明青嶂劃煙開
濃烟青篠如吹暝
微雨高梧乍送涼
曼壽高堂終不足
一言青史忍相誣

捐取第五門遺珠陳翼才先生

元

出海青峯能自拔沈劍知

齊天高月亦須傾

天入高秋惟見鳥劉曉竹

地留青土不逢花

部署青山爲隱所丁錫丹

打量高位在詩龕

可涼高樹偏妨月林胸端

自瘦青山不在秋

一鳥青峯穿薄靄林仲笏

萬蟬高樹洗殘炎

死邀青史平反論朱幼梅

老識高堂督責心

僧歸高塔如前導林希仙

官滿青山尙左虛

死生青史應無罪吳兆祺

治亂高官總可危

以下副錄

簪袍青史翻無位王雲階

簪楚高堂總是恩

入句高秋佳在雨楊蓮元

當門青嶂妙無雲

自居高位都忘我

但看青山不作詩

正錄

臚

花

眼

世無青眼周旋贅
天與高才挫折多
濁醪青史知誰好
餓死高歌恐亦常

以下正監

來日青山詩有位
滿城高屋士無家
齊名高位猜尤甚
息影青山謗未終
非關青史當完節
爲有高堂未許身
記曾青踏三三節
瞬又高登九九秋

江樹高從詩眼入
寺苔青向佛頭生
城頭高樹成孤立
塞外青山惜短生

少女高纏其藝絕
老夫青笠以漁終
船頭高浪兼天湧
馬後青巒夾月飛
也登青史無名妓
不背高堂有道僧
還山高士猶招謗
看月青年亦造因

死爲青史無名者
貧有高堂滿意時

天容高樹成朋黨
春認青山作主人
雲氣高飛篷背上
山光青逼馬蹄前
事詳青史先年月
恩受高堂豈髮膚
僅些青草休相踐
越是高枝未可棲

苦衷青史應能諒
衰髻高堂莫使知

以下副監

殉爾青春江上水
示人高節縣門山
沙氣高迷荒塞月
柳陰青鎖故宮春
滿前高塚催行樂
幾箇青樓解愛才
死煩高足刊詩集
生託青盲隱樂官
貧日青錢如過客
名山高筆不陳人

月盡高穹猶有鳥
春歸青甸已無花

獨鳥高盤雲外棧
層苔青繡雨中巖
漁火青生寒月夜
酒旗高掛夕陽天
松風高榻詩人夢
杏雨青帘酒保家
晚歸青嶂迎如笑
野哭高穹隔不聞
海上青峯佳在獨
雲中高鳥細將無

喜親高竹開樓坐
恐損青苔取徑行
飛過高羽雲明處
流出青燐樹暗邊
敢靳青山傳及子
欲公高樹蔭于人
無名青草偏當道
得氣高花先出牆
少時高第無餘子
明歲青毡孰替人

一燈青墜西冷雨
雙塔高撐北嶽雲
未親高士心先折
一別青山眼便饑

看如高柳人多媚
拾自青苔句更寒
百年青冢爲收局
一士高門未失身

以下正斗

蟬喧高柳中如雨
鷗散青蘋末有風
知了高槐亭午榻
來其青菜上方厨
輸彼青些看婦鬢
較前高許撫兒頭
苦意青燈應共喻
煩憂高枕亦難寬

微霜高樹先聞葉
細雨青蕪未見花
國多高手宜長亂
世豈青盲始厭觀
逃名高士先焚集
好事青年不讀書
年衰高弟親如子
事俗青山辱以官

遙岑青入詩人眼
新篠高齊稚子肩
雨過青草蛙專壑
風定高花蝶過牆
鶴與青松分勝境
雁俱高月挂胡天
隔年高會誰无恙
一郡青天子庶幾
設茲高位資豪奪
限个青山事晚修

以下副斗

松影高過開士塔
草光青上美人裙
折腰高柳尤無狀
露角青菱自不凡
縑素青閨皆賦稅
衣冠高座儼俳優
孤忠青史翻無傳
至孝高堂或不知
三世青氎猶自好
五更高燭亦須殘
畫家高手爲山役
詞客青髭與日辭

詩入高寒秋月裏
夢回青翠草堂前
毀譽高位終難免
苦樂青天或有私
近局青山成盜藪
終場高位落禪門
涼廳高燭花光艷
晴埭青絲馬影紛
佳人青盼逾天寵
壯士高歌殆國憂
風吹高雨都無着
水送青山總不移

無語青天如中酒
有情高壤爲開花
詩成青瑣如封事
客屏高軒爲主人
攜樽高閣同天醉
荷鋤青山任陸沈
同時高蓋爭趨府
累月青鞵不入城
過江青髯傷非昔
適野高懷喻有誰
錯遣青年畝鴿座
擬拋高位就魚竿